

外交報彙編

第二十三冊

諭旨恭錄

上諭朕欽奉

慈禧端佑康頤昭豫莊誠壽恭欽獻崇熙皇太后懿旨宗人府府丞

盛宣懷贊襄和議保護東南地方總稅務司赫德隨同商辦和約頗資贊助盛宣懷

赫德均著賞加太子少保銜以示獎勵欽此

十一月初一日
凡外交者請錄於後

上諭張翼著加恩以侍郎候補欽此○上諭如格陳璧奏監察吏部清楚檔卷完竣並敬呈管見各摺片吏部檔卷現已清楚完竣惟其中繁複者多自應嚴加刪汰仍著如格陳璧會同吏部堂官督飭司員將實在無用者悉行焚燬其通行常用者改大冊爲小冊併分冊爲總冊分省分衙連類登記勿令破碎紛雜總期一目了然統限一年以後仍於月終年終隨時刪修所修檔冊均提存司堂以便檢閱至文選考功兩司各項官冊記載尤多龐雜著責成該管司員一併釐定其月選未擬選之先提前黏榜曉示既擬選之後印刷部示卽不投供之教佐等官亦將扣選緣由附入敘單每月編表刻冊俾百爾咸知經此次示諭之後該堂官等務當認真整頓實事求是毋得稍涉敷衍以肅銓政而杜弊端欽此○上諭本日召見之直隸候補道梁誠著以道員留於原省遇缺卽補仍交軍機處存記欽此 初一日

上諭河南巡撫松壽陝西巡撫升允均著加恩賞加尙書銜松壽並著開復革職留任處分欽此
○上諭本日召見之道員用直隸候補知府王懋著以道員仍留原省遇缺卽補欽此 初二日

上諭甘肅新疆喀什噶爾道員缺著袁鴻宸補授欽此○上諭四川成都將軍著長庚補授欽此

○上諭丁振鐸奏特叅庸劣不職各員請分別懲處一摺廣西平樂府知府吳其珍老邁昏庸公
事廢弛著勒令休致補用知府全文炳帶勇緝匪約束不嚴著以通判降補署西隆州知州候補
直隸州知州楊際康嗜酒任性民怨沸騰候補直隸州知州傅恩榮粗俗鄙陋有玷官箴候補同
知孫瀾謬妄卑污人所不齒前署陽朔縣知縣候補通判余銘勳心地糊塗不理公事卸署凌雲
縣知縣彭公輔貌似有才聲名狼籍馬平縣知縣丁桓光縱容索賄擅放要犯前署永康州知州
候補知縣呂德鰲苟且圖全居心狠鷲卸署江州州同試用府經歷陳祖謙輕浮佻達思茅巡檢
彭堯劣迹多端均著一併革職署懷遠縣知縣區漸遠識闇才庸難膺民社惟文理尙優著以教
職歸部銓選署隆安縣知縣蒼梧縣知縣陳占書捕務懈弛人地不宜著開缺另補餘著照所議
辦理該部知道欽此 初三日

上諭鑲藍旗漢軍都統著阿克丹補授欽此 初五日

上諭甘肅肅州鎮總兵員缺著柴洪山補授欽此 初九日

上諭漕運總督著陳夔龍補授欽此 十二日

教士敦崇禮條陳山西教案善後章程八條

一教會來華七十餘年今欲定永遠相安之策查從前歐羅巴洲如英法德奧阿非利加洲南北美洲澳斯脫利亞等國教會亦有此不能相安之事今則不然矣蓋將教內外人一律看待也中國如能仿行之遇事持平辦理不禁人入教不抑勒人出教則得矣俄羅斯土耳其等國不能仿行所以不能相安土耳其國君民信回教禁國民信救世教而信者甚多四五年前上下不睦羅兵戈殺戮之慘致國家大局有妨礙俄羅斯君民從希臘教亦禁人信救世教學堂之教師生徒心不甘服此皆國家壓抑之故也蓋教本乎道道出乎天其教果善不但國家不能禁止卽強國亦不能越其範圍教若不善不禁而自絕矣官民明乎此理排外之見當廢然知返也二凡開教之事初起本甚細微此時如有外務局專辦此事之明白官紳晤商甚易

了結乃或教友遞稟則不閱教士請見則託言有病甚或判斷不公於是教會不得不告領事電商欽使而事機甚大矣天主教士有鑒於此由法國欽使晤商總署定各省主教與撫臺平等神甫與府縣平等之禮以便遇事商辦救世教士則不然深願由縣而府而省有通達外務之人設議事局代地方官辦教會事如此次辦事之沈道臺曾在英國游學有學問見識亦由撫臺知人善任也救世教士在其本國皆上等士紳有功名有學問決不願無故齟齬故深望山西永遠如此辦理他省皆仿爲之北京外務部更宜專派明白大員延外國律師照公法持平商辦無不妥者

三教士入內地傳道載在條約故在內地傳道立學堂開譯書局設醫院等地方官宜將條約審視明白實心實力保護到底嘗見坊間所刊通商約章與英文原稿不符隨意加減者總之此事既爲條約所載必應秉公辦理

四官場旣不能一視同仁士民卽以爲非我族類謗教之言流播各省故仇結日深又因中國風俗不同不尙實學坐待偶然之禍福惑溺風水成仙學佛賽會迎神等

事爲教會所不尙故教會之言之書閉目不觀目爲異端而口舌爭端皆由此起
五去年山西仇殺教中人如此之慘且多亦因平日教友不肯出演戲敬神之費之
故故演戲亦爲山西鬧教之來源演戲之頹俗能釀如此之慘禍上禍君國下害生
靈在上者非破除情面實力禁止不可試言演戲之害一檯價在百串之外二紳社
人等濫用分肥多於戲價兩三倍三闖卹接待親朋之肴饌婦女小孩衣服簪珥之
裝式又多數十倍更可惡者演戲之場必有賭棚數十處每棚有數十人之費用此
項匪徒每到一卹必與紳社人等以一定之棚價紳社人等收其棚價以之分肥補
缺用不知害多少人家子弟刮多少人家資財如此三五日之演費能使民人終年
窮困兼之檯上演無數姦淫賊盜之惡劇戲未演完人家醜聲四出竊盜搶物火燭
鬪毆之害無一不有又因賭棚輸資生無數家庭之變逼勒性命家家錢財耗亡人
人性情淫蕩傷風敗俗莫過於此近年中國國家困窮生靈塗炭已極學堂不立人
皆昏愚每卹有數十家而不見一學堂卹人曰貧不能讀試問此卹一年敬神演戲

之費有多少倘將此無用害人之費改辦學堂則無一邨無學堂無一人不識字人
人知禮義廉恥守中國聖人之道學萬國富強之學民智皆開而教案亦可永息矣
況此事爲大清會典所禁止四子書所不道官場亦何樂而留此禍根哉如官場必
不肯禁除則請想一妥善之法派經理人造戲園刻戲票不輸錢者不准入看至教
會中人照條約不能輸資而強欲看戲者教會知之必與以懲罰罰鍰使修道路或
爲公衆有益之用或出之教外然禍根必不能去教案必不能除終累國家出大宗
賠款而已

六中國人心虛僞者多每有教會中人聞其人之言論甚爲純正而不知其居心實
不純正者一時失於覺察准其在教既在教卽不免有誤信其言之處致與平民不
睦馴至會中之良善與之相處日久變易其性情真意漸失涉於驕矜恃其所知發
仇世訐俗之論日久積怨成憤激成教案者此等人如爲教會察出無不勸勉勸勉
不從無不出之教外蓋救世教並非祇准人入教不准人出教之教會可比也

七現在中國通行之教派甚多如儒釋道回回天主耶穌等教有大同小異者有不同者其平日語言行事皆昭昭在人耳目考之經典及萬國史記並潛觀默察教會辦事人之用心處事極易分曉其中亦有崇真道身體而力行之善人宜分別觀之不可一例看待一概目爲洋教嫁禍於其會中致釀禍亂而貽後悔也

八大學首章言明德新民治國平天下之道皆本乎致知格物可見格致學足以致修齊治平今日治國之道必須朝野上下皆有格物通人則非學格致學不可卽如中國頒行各省之時憲書其所推測天文之理水師官提督兵輪須明水汽機之理駕駛之法醫院之醫士宜明天地之網縕理各省煤鑛五金鑛具天然之利一切聲光化電製造鍊鋼築鐵路設電杆皆足以富強國家凡此皆格致學也內外部大臣欽差領事繙譯官律法官須讀萬國史記萬國公法明各種富強學皆非格致不可欲破除中國種種風水妖邪演戲賽神復孔子之道以除禍亂使不再受拳匪迷惑中外永遠相安更非明格致學不可

日本外務省官制

明治三十一年十月勅令第二百五十八號三十三年復以勅令改正

第一條 外務大臣施行關於外國之政務保護在外國之帝國商事管理在外國之帝國臣民一切事務並監督外交官及領事官

第二條 總務局除通則所揭外並掌關於駐紮帝國之各國外外交官領事官外國人之敍勳及保管條約翻譯文書之事

第三條 外務省以專任參事官三人專任外務大臣祕書官二人專任書記官五人爲定員

第四條 外務省置左二局

政務局

通商局

第五條 政務局掌關於外交之事務

第六條 通商局掌關於通商航海及移民之事務

第七條 外務省置翻譯官四人爲奏任官從事於翻譯文書

第八條 外務省屬以六十人爲定員

第九條 外務省置翻譯官補六人爲判任官承上官指揮從事於翻譯文書傳述

問答

第十條 外務省置技手三人承上官指揮從事於電信及其營繕事務

按日本外務省官屬無多職事專一近年外交極能制勝故亟譯登以備采擇

有約各國君后總統姓名錄

日本國皇帝睦仁前孝明天皇統仁之長子西歷一千八百五十二年十一月三日
生一千八百六十七年二月十三日卽位次年改元明治

后一條美子左大臣一條忠香之女一千八百五十年五月二十八日生

韓國皇帝李熙前王李昉之姪西歷一千八百五十六年十月二十八日生一千八百六十四年襲封一千八百九十四年自主一千八百九十七年改元光武

以上亞洲

英國王愛華德第七 *Edward VII* 前女王維多利亞之長子一千八百四十一年十

一月九日生一千九百一年一月二十二日即位

后亞力散德利 *Alexandra* 丹麥國王查力斯坦第九之長女一千八百四十四

年十二月一日生

法國總統勞畢 *Loubet* 一千八百三十八年十二月三十一日生一千八百九十九

年二月十八日膺選

俄國皇帝尼古拉士第一 *Nicholas I* 前皇亞歷山大第三之長子一千八百六十

八年五月六日生一千八百九十四年十月二十日即位

后亞力散德利亞力喜 *Alexandra Alix* 赫司上公祿尾第四之女一千八百七十

二年五月二十五日生

太后馬利 *Marie* 丹麥國王查力斯坦第九之次女一千八百四十七年十一月

二十六日生

德國皇帝威廉第二 *Wilhelm II* 前皇佛禮特力之長子一千八百五十九年一月二

十七日生一千八百八十八年六月十五日即位

后維多利亞 *Victoria* 西勒瑞荷司坦生的堡阿格司坦堡公佛禮特力之女一千

八百五十八年十月二十二日生

奧國皇帝佛蘭約瑟第一 *Franz Josef I* 前皇斐的南第一之姪一千八百三十年八

月十八日生一千八百四十八年十二月二日即位一千八百六十七年六月八

日兼王亨噶利

義國王維拖羅伊曼紐爾第二 *Vittorio Emanuele III* 前王曷勃圖第一之子一千八

百六十九年十一月十一日生一千九百年七月二十九日即位

后希利那 *Helena* 門得納哥國尼古拉士之女一千八百七十三年一月八日生

太后馬格利忒 *Margherita* 塞懷親王佛迭南度之女一千八百五十一年十一

月二十日生

西班牙國王阿芬瑣第八

Alfonso XIII

前王阿芬瑣第七之子一千八百八十六年

五月十七日生繼其姊馬利即位現未成丁奉母后臨朝訓政

太后馬利查力司坦那

Maria Christina

所出未詳一千八百五十八年七月二十

一日生

葡萄牙國王楷羅第一

Carlos I

前王雷士第一之子一千八百六十三年九月二

十八日生一千八百八十九年十月十九日即位

后馬利阿墨利

Marie Annelie

阿令公斐利璧之女一千八百六十五年九月二十

八日生

荷蘭國女王威爾密那

Wilhelmina

前王威廉第三之女一千八百八十年八月三

十一日生一千八百九十年十一月二十三日即位一千九百一年二月七日薨

墨林堡士華林親王顯理

太后依馬 *Emma* 華爾的親王佐治之女一千八百五十八年八月二日生

比利時國王賚坡爾第二 *Leopold II* 前王賚坡爾第一之子一千八百三十五年四月九日生一千八百六十五年十二月十日即位

后馬利亨利脫 *Marie Henriette* 奧國上公約瑟之女一千八百三十六年八月二十三日生

丹麥國王查力斯坦第九 *Christian IX* 西勒瑞荷司坦生的堡格拉司堡公威廉之子一千八百十八年四月八日生一千八百六十三年十一月十五日即位

瑞典瑞威國王沃司加第一 *Oscar I* 前王沃司加第一之子一千八百二十九年一月二十一日生一千八百七十二年九月十八日即位

后索非亞 *Sophia* 納騷公威廉之女一千八百三十六年七月九日生

以上歐洲

美國總統魯司華爾 *Roosevelt* 一千八百五十八年十月二十七日生一千九百一

年三月四日膺副總統之選九月十三日前總統麥荊來被刺病歿遂繼任

墨西哥國總統得士 *Diaz* 一千八百三十年九月十五日生一千八百七十六年膺

選一千九百年十二月一日第六次聯任

巴西國總統坎普司瑣爾士 *Campos Salles* 一千八百九十八年十一月十五日膺選

祕魯國總統魯曼納 *Romana* 一千八百九十九年九月八日膺選

以上美洲

按非洲剛果國亦已立約然爲比利時王兼治故不別錄

上諭外務部左丞著瑞良補授右丞著顧肇新補授左參議著陳名侃補授右參議著紹昌補授欽此 十一月十三日

上諭奕劻王文韶電奏據崧蕃電稱平羅縣屬上營子地方突有匪徒多人焚擄鄉民搶掠教堂傷及梅教士並教民數人已飭派隊保護並電山西巡撫分途兜拿等語各省教堂教士朝廷一視同仁疊經嚴降諭旨飭令實力保護不准稍有疏虞乃該地方官奉行不力致有戕傷教士教民情事實堪痛恨著崧蕃先將疏防營員據實嚴參並會同岑春萱迅飭派出隊伍勒限懸賞將兇犯悉數擒拿務獲懲辦毋使漏網以肅法紀而篤邦交欽此 十七日

上諭甘肅平羅縣屬上營子地方匪徒焚掠鄉民並傷及教堂教士一案昨已有旨嚴飭崧蕃會同岑春萱迅速拿辦並令先將該管營縣嚴參茲據崧蕃奏查明疏防各員請旨懲處各節卸署平羅縣知縣王樹槐現任平羅縣知縣李含英平羅營參將易慶安著一併先行革職帶罪勒限將此案匪徒悉數擒獲盡法懲辦如逾限不

獲即將該員等永不敘用該督務當督飭文武各官認真搜捕早日了結並將各屬教堂教士教民加意保護毋再疏虞致干重咎欽此 十八日

上諭據奕劻等奏英美二國使臣請將張蔭桓處分開復等語已故戶部左侍郎張蔭桓著加恩開復原官以敦睦誼欽此 同日

上諭甘肅平羅縣屬殺傷教士教民一案業經降旨將該管地方官革職帶罪勒限嚴拿匪徒務獲懲辦茲據崧蕃電奏據稱梅教士及教民等四人並因傷身死現在添派道員張廷樞前往會營督緝兇犯並妥爲保護等語地方文武官弁皆有保護教堂教民之責似此防範不力致該教士等因傷斃命朝廷深爲矜憫著崧蕃立即妥爲撫卹並將此案兇犯趕緊拿獲即行正法該管各員王樹槐李含英易慶安業經降旨革職如再不獲犯著卽照約永不敘用欽此 二十日

各省督撫會奏攤款減成電

開封軍機處鈞鑒各省分派賠款爲數過鉅籌措萬難方今民生困窮商業彫敝經